

რეაზირება

23 აპრილი

არასამთავრობო ორგანიზაციების საჩივარი საზოგადოებრივი მაუწყებლის თვითრეგულირების ორგანოს



19 აპრილს, 13:00 საათზე საზოგადოებრივი მაუწყებლის პირდაპირ ეთერში იერუსალიმიდან წინასააღდგომო ცეცხლის გადმოსვლის ტრადიციის აღსანიშნავი ღონისძიება გადაცემოდა, რომელსაც კომენტირებას სასულიერო პირები უკეთებდნენ.

ჩვენ, განცხადებაზე ხელმოწერი ორგანიზაციები, ვთვლით, რომ ტრანსლაციის პროცესში გაკეთებული კომენტარებისას, მაუწყებლის მხრიდან დარღვეული იყო როგორც "მაუწყებლობის შესახებ" კანონის, ასევე მაუწყებელთა ქვევის კოდექსისა და საზოგადოებრივი მაუწყებლის ქვევის კოდექსის მოთხოვნები, შემდეგ გარემოებათა გამო:

რელიგიური რიტუალის კომენტირებისას, სასულიერო პირმა საქართველოს პარლამენტის მიერ პირველი მოსმენით მიღებულ ანტიდისკრიმინაციულ კანონზე ისაუბრა, რა დროსაც ლგბტ პირების სექსუალური ორიენტაციის ნიშნით დისკრი-

გაგრძელება გვ. 9

10, 21-27 აპრილი



კვირის მთავარი მიზნეუბები

23 აპრილი

21-27 აპრილის პერიოდში შემდეგი ტენდენციები გამოიკვეთა:

- ანტიდისკრიმინაციული კანონი სასულიერო პირების (ელიზბარ დიაკონიძე, დიაკონი; მამა იოთამი, მოძღვარი), არასაპარლამენტო ოპოზიციის (ჯონდი ბაღათურია, ქართული დასი; შალვა ნათელაშვილი, ლეიბორისტული პარტია) და სხვა რესპონდენტების მხრიდან კვლავ მხოლოდ ერთ ჯგუფთან - ლგბტ თემთან დისკრიმინაციულად იყო დაკავშირებული; ქართული ოცნების წარმომადგენელმა (გია ჟორჟოლიანი) ლგბტ პირები შეურაცხყოფელი ტერმინით "მამათმავლებად" მოიხსენია;

- ხოლო პარლამენტის ვიცე-სპიკერი დისკრიმინაციის საფუძვლების დაკონკრეტებაზე უარის თქმის ინიციატივით გამოვიდა;
- სიმულვლის ენა ლგბტ თემის მიმართ 17 მაისის მოვლენებთან კავშირში ოფიციალურმა პირმა აფხაზეთის კულტურისა და განათლების მინისტრმა დიმა ჯაიანმა მიმართა; ასევე სიმულვლილი ნაციონალური მოძრაობის ("ასავალ-დასავალი", ომარ ნიშნიანიძე, ქართული ოცნება) და ქართველ მწერალთა (ლევან ანჯაფარაძე, რეჟისორი; "ასავალ-დასავალი") მიმართ იყო გამოხატული;

გაგრძელება გვ. 2

შინაარსი

ანტიდისკრიმინაციული კანონი	3-4
სიმულვლის ენა	5
ანტითურქული განწყობები	6
ანტიდასავლური განწყობები	6-7
სექსუალური უმცირესობები	7-8
სპეკულაციები 17 მაისზე	8
გენდერული სტერეოტიპები	9
დაუნის სინდრომით დაავადებულთა დისკრიმინაცია	9



ბიულეტენის მომზადება შესაძლებელი გახდა ამერიკელი ხალხის გულუხვი დახმარების წყალობით, რომელიც აშშ-ის საერთაშორისო განვითარების სააგენტოს USAID მეშვეობით იქნა გაწეული. ბიულეტენის შინაარსზე პასუხისმგებელია MDF და GDI და შესაძლოა, არ ასახავდეს USAID-ის და აშშ-ის მთავრობის შეხედულებებს.

კვირის მთავარი მიზნებები

დასაწყისი გვ. 1

- ანტიდასავლური განწყობების გაღვივება, როგორც ამერიკა-ევროპის მიერ უკრაინაში განვითარებული მოვლენების პროვოცირების დაუსაბუთებელ განცხადებებს (ასავალ-დასავალი, ობიექტივი), ასევე ლგბტ პირთა უფლებებს (Geword.ge) და ევროპის, როგორც მართლმადიდებლობასთან მებრძოლის (ობიექტივი) წარმოჩენას უკავშირდებოდა;
- საქართველოს პატრიარქის განცხადებები "ცოდვის პროპაგანდის" და "ცხოველებზე უფრო დაბალი ცხოვრების" წესის შესახებ ირიბ მინიშნებას შეიცავდა ლგბტ პირებზე და მათ უფლებადამცველებზე;
- სპეკულაციებს 17 მაისთან დაკავშირებით პოლიტოლოგი სოსო ცინცაძე და გაზეთი "ასავალ-დასავალი" მიმართავდნენ;
- გაზეთ "ასავალ-დასავალის" მხრიდან დაუნის სინდრომით დაავადებულთა დისკრიმინაციას ჰქონდა ადგილი;
- გენდერული სტერეოტიპები რუსთავი 2-ის ეთერში (თოქ-შოუ "პოზიცია") გამოვლინდა.

პოზიტიური გაშუქების მაგალითები:

- როგორც სატელევიზიო, ასევე ონლაინ მედიამ ვრცლად გააშუქა ანტიდისკრიმინაციული კანონის განხილვასთან დაკავშირებული დისკურსი, მათ შორის Amnesty International-ის შეფასება საკანონმდებლო ინიციატივასთან დაკავშირებით;

- ინტერნეტ-პორტალმა "ნეტგაზეთმა" და ტელეკომპანია "ტაბულამ" (თოქ-შოუ "ფოკუსი", 24 აპრილი) ვრცლად გააშუქეს "ადამიანის უფლებების სწავლებისა და მონიტორინგის ცენტრის" (EMC) ანგარიში იეჰოვას მოწმეთა მიმართ გახშირებული ძალადობრივი ფაქტების შესახებ;
- ნეტგაზეთი (22 აპრილი) ქართული ოცნების დეპუტატთან გუგული მალრამესთან ინტერვიუში შეეხო საზოგადოებაში ევროკავშირის შესახებ არსებულ მითებს, რა დროსაც რესპონდენტმა მკაფიოდ აღნიშნა, რომ ერთ-სქესიანთა ქორწინების დაკანონების ვალდებულებას ევროკავშირი, სადაც ამ თვალსაზრისით განსხვავებული ლეგალური რეჟიმი მოქმედებს, წევრ და პარტნიორ სახელმწიფოებს არ აკისრებს;
- სააგენტო "ინტერპრესნიუსმა", ტელეკომპანიებმა "კავკასიამ" და "მაესტრომ" (26 და 27 აპრილი) გააშუქეს არასამთავრობო ორგანიზაციების ანგარიში, რომლის თანახმად, შინაგან საქმეთა სამინისტროს მხრიდან რეაგირება რელიგიურ და სექსუალურ უმცირესობებთან დაკავშირებულ ინციდენტებზე არასაკმარისი იყო;
- რუსთავი 2-მა კვალიფიციურად გააშუქა სოფელ მუღანლოში მომხდარი კრიმინალური ინციდენტი, რა დროსაც დანაშაულში ბრალდებულის ეთნიკური წარმომავლობის იდენტიფიცირება არ მოუხდენია.

ანტიდისკრიმინაციული კანონი

პაპასია, ბარიერი 22 აპრილი

ზია შორჭოლიანი, ქართული ოცნება: „კიდევ ერთხელ იმის ლაპარაკი, რომ ეს რაღაც მოუწოდებს სკოლებს, რომ გინდა თუ არა, აიყვანონ მამათმავლები, არის ტყუილი... მე ეხლა გეუბნებით, რომ არსებობს წესები, რომელიც გამოხატვას, პროპაგანდირებას, ახალგაზრდებისათვის ამის სწავლებას და რაღაცას კრძალავს.“

http://www.myvideo.ge/?video_id=2327211

ინტერპრესნიუსი, 27 აპრილი



მანანა კობახიძე, პარლამენტის ვიცე-სპიკერი: „... ვსვამ კითხვას, რა საჭიროა კონკრეტულად, როდესაც ვაცხადებთ, რომ ნებისმიერი ადამიანი თანასწორია და დაუშვებელია ნებისმიერი ნიშნით ადამიანის დისკრიმინაცია. ავიღოთ კონსტიტუციის შესაბამისი მუხლი, სადაც არის გარკვეული ნიშნები და წერია "და სხვა". "და სხვა" ნიშნავს, რომ ნებისმიერი ნიშნით დისკრიმინაცია არის დაუშვებელი... ყველა ნიშანს – მათ შორის სექსუალურ ორიენტაციას. კონსტიტუციაში ეს ნიშანი ჩაწერილი არ არის, მაგრამ დისკრიმინაციის საწინააღმდეგო ნორმა ამას ისედაც გულისხმობს და თუ გულისხმობს ყველა ნიშანს, მათ შორის სექსუალურ

ორიენტაციას, რა საჭიროა დაკონკრეტება?!“,

<http://www.interpressnews.ge/ge/politika/279425-manana-kobakhidze-ra-satciroa-diskriminaciis-amkrdzalavishnebis-dakonkreteba.html?ar=A>

ასავალ-ღასავალი, 21-27 აპრილი

შალვა ნათელაშვილი,

ლეიბორისტული პარტია: "რეჟიმის წარმომადგენლები კი უფრო მეტ სოლიდარობას უცხადებენ სექსუალურ უმცირესობას, ვიდრე უმრავლესობას. ახლა კიდევ „ანტიდისკრიმინაციულ“ კანონს იღებენ და თუ სექსუალურ უმცირესობაზე რაღაც ისეთი წამოგცდა, დაგიჭერენ. ეწინააღმდეგება თუ არა ეს პირდაპირ სულ ახლახან პატრიარქის მიერ თავის საკვირაო ქადაგებაში დასმულ საჭირობოროტო კითხვას - უმრავლესობის იტერესს ვინ დაიცავას?“

პაპასია, ბარიერი 22 აპრილი

ჯონდი ბალათური, ქართული

დასი: „ქართული ოცნება“,

ნაციონალური მოძრაობა“, ლგბტ

საზოგადოება და ლგბტ საზოგადოების

დამცველები ჩვენ გვაიძულებენ, რომ ჰომოსექსუალობა ვადიაროთ ნორმად...



საზოგადოებისათვის საყოველთაოდ აღიარებული ზნეობრივი ნორმებით, ჩემთვის, ჰომოსექსუალიზმი არის ანომალია.“

„...მამათმავლებს, ნარკომანებს და სხვა ასეთი იდენტობის მქონეთ არ უნდა ჰქონდეს უფლება საბავშვო ბაღში აღმზრდელებად მუშაობის, სკოლებში - პედაგოგებად მუშაობის, არ უნდა ჰქონდეთ პენიტენციალურ სისტემაში მუშაობის უფლება, არ უნდა ჰქონდეს თავდაცვის სისტემაში მუშაობის უფლება“...

http://www.myvideo.ge/?video_id=2318602

გაგრძელება გვ. 4

კვირის მთავარი თემა - ანტიდისკრიმინაციული კანონი

კვირის ძრონიკა 22-27 აპრილი

მლიზბარ დიაკონიძე, დიაკონი:

„ვეგულისხმობ იმ ანტიდისკრიმინაციულ კანონს, რომელიც, რა აუცილებელი იყო, რომ ამ სააღდგომო დღეებისთვის დაემთხვიათ? არ სწამთ ღმერთი და არ უყვართ საქართველო ამ ადამიანებს და რა ვქნათ? ესენი ქარუმიძე რომ უყვართ, ის ხალხია! თურმე ევროპული ხედვა აქვთ ქარუმიძეს, რატი ამაღლობელს და ვიღაცა ბურჟუაზიას“.

რუსთავი 2, კოსტ სკრიპტუმი, 27 აპრილი

მამა იოთამი, მომღვარი: "კანონს არ ვიცნობ, მაგრამ ძაან უარყოფითად უყურებს ამას ხალხი. მე არ ვიცი, ეს მთავრობა ვისი მთავრობა არის... ეს მთავრობაც ეტყობა ჩვენთვის მიუღებელია და ესენი სააკიანის მთავრობას უნდა გაჰყვეს უკან“

ვლადიმერ ვაშაკიძე, მრევლის წევრი: „ეს ყოვლად მიუღებელია, მე ვერ წამომიდგენია, მაგალითად, თუ განათლების სისტემაში ქართულის მასწავლებლად ვეფხისტყაოსანი როგორ უნდა ააუხსნას მამათმავალმა, როგორ უნდა აუხსნას ვერ წამომიდგენია, ან ნებისმიერი კიდეც სხვა რამე... აი, დავუშვათ ეხლა როგორ უნდა ვთქვა ვაჟა-ფშაველას მაგალითი რომ ავიღოთ, „სამო არის საცქერლად დიაცის უბესავითაო“. ის რას იტყვის ახლა, მამათ-მავალისთვის არ არის მგონი სამო საცქერი დიაცის უბე ხო? “

http://www.myvideo.ge/?video_id=2320546

ნებგაფითი, 28 აპრილი

ლევან ჩაჩუა, პოლიტპატიმრის სტატუსით გათავისუფლებული პირი: "იქ განსაკუთრებული ყურადღების გამახვილება სექსუალურ უმცირესობებზე და გენდერულ იდენტობაზე ეს პირდაპირ ნიშნავს ლეგალიზებას მამათმავლობის საქართველოში და ის პარლამენტარები, რომლებიც ამ კანონს ხელს მოაწერენ, ღვთის საწინააღმდეგო საქმეს ჩაიდენენ და პასუხს აგებენ აუცილებლად ღვთისა და ერის წინაშე."

კორესპონდენტი: თქვენ წაიკითხეთ ეს კანონი და გეი-ქორწინების დაკანონებაზე ლაპარაკი?

ლევან ჩაჩუა: არა გეი-ქორწინების დაკანონებაზე არ არის. საუბარია იმაზე, რომ შეიძლება მოხდეს და მოხდება აუცილებლად ყველა დაწესებულებაში სექსუალური უმცირესობების უკვე ოფიციალურად წარმოდგენა, თუნდაც საბავშვო ბაღებში, პენიტენციურ სისტემაში საჯარო სკოლებში, პოლიციაში ჯარში და ა.შ."

ჯაჯა ოლიბაიშვილი, აქციის მონაწილე:

... "სოდომ-გომორის დაკანონებას ვაპროტესტებ საქართველოში... ცოდვის დაკანონების, მამათ-მავლობის... ერთსქესიანთა ქორწინება... ცოდვის დაკანონებას ვგულისხმობ" ...

ასავალ-დასავალი, 21-27 აპრილი

ლევან ჩაჩუა: „ასავალ-დასავალის“ ფურცლებიდან ხმამაღლა ვაცხადებ, რომ ამ კანონის შემოღებით, რომელსაც რესპუბლიკური პარტია ლობირებს, საქართველოში სოდომ-გომორული დიქტატურა მყარდება..

ახლა, ქართველმა საზოგადოებამ წარმოიდგინოს, როგორ დაიცავენ ასეთი ორიენტაციის ადამიანები ქვეყნის შიდა თუ გარე უსაფრთხოებას, როგორ წარმოუდგენიათ ციხეში მომუშავე ჰომოსექსუალი ბადრაგი თუ „კლუნიკი“ ან ჰომოსექსუალი პოლიციის თუ ჯარის ჩინოსანი!"

კვირის ძრონიკა, 22-27 აპრილი

მლიზბარ ჯაგელიძე, სახალხო კრება:

„ჩვენი თვალთ გვაყურებინებენ, როგორ კლავენ ქრისტეს ხელახლა ამ კანონპროექტების ხელშემწყობნი ამ ახალ მთავრობაშიც!“

კაკასია, ბარიერი, 22 აპრილი

გელა ნიკოლიშვილი, იურისტი:

“ცნობილი ფლექტერი რომ იყო, რომელიც პროპაგანდას ეწეოდა.. პროპაგანდა რა არისო, მკითხებით, მაგრამ იმის ახსნა, იმის ძალიან დადებითად წარმოჩენა, რომ რა კარგია ერთსქესიანთა ურთიერთობა, სექსუალური ურთიერთობა, ზუგდიდის რომელიღაც რაიონში, ზუგდიდში. ამის უფლება უნდა ჰქონდეს თუ არა?“

http://www.myvideo.ge/?video_id=2318602

http://www.myvideo.ge/?video_id=2318602

სიკულვილის ენა

ასავალ-დასავალი, 21-27 აპრილი

დიმა ჯაიანი, აფხაზეთის ავტონომიური რესპუბლიკის კულტურისა და განათლების მინისტრი:



"არაკაცებო! ჭკუიდან ნუ გადაიყვანეთ ხალხი, თორემ შარშანდელი 17 მაისი მონაგონი იქნება! ხელისუფლებამ ყველაფერი უნდა იღონოს, რომ 17 მაისს კინოთეატრი „რუსთა-ველი“, სადაც ათწლეულების მანძილზე ჩვენი კულტურის უდიდესი კორიფეების ნაღვანის დემონსტრირება ხდებოდა, მამათმავლობის აპოლოგიით არ წაიბილწოს!"

ასავალ-დასავალი, 21-27 აპრილი

რეზო ამაშუკელი, პოეტი:

„ამდენ უჯიშოს, ამდენ მახინჯს, ბოხსა და ჯიგბირს, როგორ ატარებს, როგორ იტანს ქართული მიწა??“

გიორგი ვიგაური,

ჟურნალისტი: "შეიძლება,

ნაცი ადამიანად ჩაითვალოს, როცა ის სააკაშვილისა და? მისი სისხლიანი დაჯგუფების მიერ ჩადენილი ენით აუწერელი დანაშაულებების მიუხედავად, კვლავაც ამ ძალას ემხრობა!"

შალვა ხაჭავაძე,

ადვოკატი:

"მე არ ვარ იმის მომხრე, რომ ესენი დავხოცოთ და ამოვიპრკვოთ, მაგრამ სანამ ამ სექტისგან საქართველო არ გაიწმინდება, მანამ ჩვენი საშველი არ იქნება!"

ალია, 25-28 აპრილი

გელა ზედელაშვილი, ჟურნალისტი: "სამი "ნაციონალი" მაინც გვინდა ნიმუშად, როგორც ამერიკელებს ინდიელები ჰყავთ რეზერვაციაში, მომავალ თაობებს უნდა ვაჩვენოთ, როგორი არ უნდ იყოს პოლიტიკოსი."

ომარ ნიშნიანიძე, ქართული ოცნება: "მე თანახმა ვარ და ვითხოვ, რომ „ნაციონალები“ ჩავსვათ სპირტის კოლბაში, შევინახოთ საუკუნეების განმავლობაში და ყველა თაობას ავუხსნათ, რომ ესენი იყვნენ ქვეყნის დამაქცევრები. მე ისტორიკოსი ვარ და კარგად მესმის რას ნიშნავს ისტორიული ნიმუში. დიდი სიამოვნებით შემოვუნახავდი მაგათ დასპირტულ თავებს შთამომავლობას."

ლევან ანჯაფარიძე, რეჟისორი: "ამიტომ ჩვენ კი არ უნდა ავიყაროთ, სასწრაფოდ უნდა დავირაზმოთ და ეს გარეწრები - ბურჰულამე, დეისამე, ქარუმიძე, შამუგია და მმანი მათნი ვაიძულოთ, რომ დედაბუდიანად აიყარონ საქართველოდან!"

დიტო ჩუბინიძე, ჟურნალისტი: "ესენი [ქართველი მწერლები] ყმაწვილკაცობიდან ჩაწყურებდნენ უნიტაზის ღრმულში მოტივტივე საკუთარ ფეკალიებს და ეს ყველაფერი ისე ემშობლიურებოდათ, როგორც ღორს - ტალახი!.. ჯოჯოხეთის მაშხალის ქანდაკი წამოჭიმეს... დიახ სვანეთი, რომელიც თამარ მეფეს განსაკუთრებით უყვარდა, ლგბტ-ელებმა თუ მესაჯდომეებმა პირველად მაშინ შურაცხყვეს, როცა მესტიაში თამარ მეფის

დასაწყისი გვ. 5

კი არა, რაღაც საშინელებისა და რა იცოდა დიდებულმა კონსტანტინე გამსახურდიამ, რომ ტვინმოღრეცილი ლაშა ბუღაძის, ზაზა ბურჭულაძის, ზურაბ ქარუმიძისა და ერეკლე დეისაძის მსგავსი „ხურუ-შიანები“ მრუდე კალმით ჩვენს სიქდულეს და სასოებას-დედაშვილობას, მართლმადიდებლობას, ლამარიასა და თამარ შვიდმნათობიერს მისდგებოდნენ.”

ანტითურქული განწყობები**ალია 23 აპრილი**

ტრეფიკინგის თემაზე გაზეთ "ალიას" (23 აპრილი) მიერ გავრცელებული ინფორმაციის სათაური - „ქართველი მონები თურქეთში. ტრეფიკინგის მსხვერპლთა რეალური ისტორიები“ - ანტითურქული განწყობების გაღვივებას უწყობს ხელს.

ანტიდასავლური განწყობები**ასავალ-დასავალი, 21-27 აპრილი**

გიორგი გიბაური, ჟურნალისტი: "ამერიკა-ევროპის დაკრულზე ამ „მაიდაუნებმა“ - გრიგანმა, კლიჩომ და იაცეუკმა იმდენი იხტუნეს, რომ რუსეთმა უკრაინას ყირიმი უკვე ჩამოაჭრა."

ოზიმატივი, ღამის სტუდია,**27 აპრილი****თამარ კიკნაძე,**

პოლიტოლოგი: "ამერიკის შეერთებულმა შტატებმა ჩვეულებრივი რეჟიმ ჩეინჯი განახორციელა, მოიყვანა მისთვის მისაღები... ადამიანები. ტურჩინოვი არის ბაპტისტი, იაცენიუკი კი ღმერთმა უწყის, ვინ და ა.შ. ასე, რომ ის ელიტა, რომელიც დღეს არის უკრაინაში ნამდვილად არ გამოხატავს უკრაინელი ხალხის ინტერესებს."

ვალერი კვარაცხელია, წამყვანი:

"ამ კაცმა [კარლ ბილდტი] გავრცელა განცხადება, აი ორი დღის წინ, რომ პუტინი იმიტომ არის ცუდი კაცი და რუსეთი იმიტომ არის ცუდი ქვეყანა, რომ იცავს

მართლმადიდებლობას, ხოლო მართლმადიდებლობა იმიტომ არის ცუდი, რომ იცავს ოჯახის ინსტიტუტს და ხელს უშლის, რას ეძახიან ლგბტ საზოგადოებას?... 17 მაისი ახლოვდება... ვრცელდება ინფორმაცია 1000 გეი უნდა ჩამოიყვანონ, რაღაც არ ვიცი დაქირავებული..."

თამარ კიკნაძე, პოლიტოლოგი:

"პირდაპირ გეუბნებიან - მართლმადიდებლობა არ არის ის რელიგია, რომელიც ხელს უწყობს დემოკრატიული პროცესების და ინსტიტუტების განვითარებას... და ერთმნიშვნელოვნად თუ შენ ამ ევროპულ გზას ირჩევ, შენ ამ რელიგიაზე დაფიქრება მოგიწევს. შენ მზად ხარ იმისთვის, რომ უარი თქვა მართლმადიდებლობაზე, რომელიც შენი იდენტურობის ტოლია?!"

თემურ შაშიაშვილი, მოძრაობა

„თეთრები“: „ჩვენ ხმამაღლა ვყვიროთ ნატო და ევროკავშირიო, ისინი ამაზე იცინიან. ვინც ნატოსა და ევროკავშირშია, ისინი გამოსვლაზე ოცნებობენ და ჩვენ რა

გაგრძელება გვ. 7

ანტიდასავლური განწყობები

გვჭირსო?... ჯერ კიდევ ორი წლის წინ, უნგრელებმა უარი უთხრეს ევროპულ რეკომენდაციებს და კონსტიტუციაში ჩაწერეს, რომ ოჯახი არის ქალისა და მამაკაცის ურთიერთობა, ამაზე ჩვენმა პრემიერ-მინისტრმა ილაპარაკა და ამას ეძახიან ევროპისგან ზურგმუქცევას".

მსმენელი [სატელეფონო ჩართვა]: "მე პირადად ვფიქრობ, რომ ბოდიში უნდა მოვუხადოთ რუსებს, რომ ამ ნაძირალა ამერიკელების მხარეს ხელებდაკაპი-წებული ვიდექით და ზურგში ჩავარტყით რა... ამერიკაზე დიდი უბედურება არ არსებობს მსოფლიოში."

ვალერი კვარაცხელია, წამყვანი: "ე.ი. ჩვენ აქეთ კი არ გავგუდავენ, იქეთ გავგუდავოთ (საუბარია ნატოს გაფართოებაზე).

თამარ კიკნაძე, პოლიტოლოგი: სანამ არ იტყვის ვინმე, რომ მოკვდა ეს ევროკავშირი და ნატო და აი, ამ პრიზმიდან არ უნდა უყუროთ, არაფერი, ალბათ, არ გვემველება".

<http://www.obieqtivi.net/tv1.php?id=16709>

<http://www.obieqtivi.net/tv1.php?id=16710>

ოუნივერსიტეტი, ღამის სტუდია, 23 აპრილი

მსმენელი [სატელეფონო ჩართვა]: "...ის ევროპაზე, რომ ლაპარაკობდნენ... რუსეთი ნამდვილად ოკუპანტია და აგრესორია კი ბატონო, მაგრამ არ მინდა მე ნაკოლიკიანი ქალების ყურება ტელევიზორში, ხალხო, არ მინდა ბოდიში და ყურსაკიდიანი კაცების ცქერა და პიდარასტებით, რომ გეივსო"...

საქინფორმი, 23 აპრილი

“კიევის შემდეგ - ბაქო: 27 აპრილს, კვირას, სააკაშვილი აზერბაიჯანში ჩაფრინდება, აშშ-ის დავალებით, რომელსაც ემინია, უკრაინის მერე გავლენა კავკასიაშიც არ დაკარგოს”

http://saginform.ge/index.php?option=com_content&view=article&id=18592:---27-----&catid=98:politics&Itemid=457#xzz2znd3mSA7

-----&catid=98:politics&Itemid=457#xzz2znd3mSA7

საქინფორმი, 23 აპრილი

ტეფტი - კარიერული დიპლომატი... საქართველოში (2005-2009 წლებში), სადაც დაარქვეს კიდევ “ტუფტა” იმის გამო, რომ ის, დემოკრატიისკენ მოწოდებების მიუხედავად, გამუდმებით მხარს უჭერდა სააკაშვილს იმ წლების ყველა დანაშაულში (საკუთარი მოქალაქეების წინააღმდეგ ომი 2008 წლის აგვისტოში, მიტინგის სისხლიანი დარბევა 2007 წელს, უკანონო მასობრივი მკვლევლობები, ბიზნესმენების რეკეტი, პრემიერ-მინისტრ ქვანას მკვლელობა და სხვა).

http://saginform.ge/index.php?option=com_content&view=article&id=18602:2014-04-23-10-00-16&catid=99:actual1&Itemid=419#xzz2zne0NYH

GEWORD.GE, 24 აპრილი

ლემონტი ბიჭაძე, ინჟინერ-ეკონომისტი: “ვიდრე არ გათავისუფლდებით ევროპისა და ამერიკისადმი მონური დამოკი-დებულებისგან, ჩვენი საშველი არ იქნება. უნდა გავაცნობიეროთ, «რომ ევროპარლამენტის, მინიმუმ, ნახევარი მაინც დაკომპლექტებულია ავანტიურისტებით, მექრთამეებით, ჰომოსექსუალებით, ლესბოსელებით, საკუთარ ეროვნულ სახელმწიფოში ვერანაირი პოზიტიური საქმიანობით თავი ვერ გამოიჩინეს» (ა. ჭაჭია ტ. II, გვ. 98, 2013).

<http://geword.ge/View.php?ArtId=5834>



სექსუალური უმცირესობები

პირველი, 23 აპრილი

მსალის სათაური "პირველი ტრანსსექსუალი ელჩი გაეროში? - რაზე ოცნებობენ სექსუალური მამაკაცები" შეუსაბამოა თავად სტატიასთან, სადაც საუბარია ტრანსსექსუალ მოდელებზე, რომელიც ოცნებობს დიპლომატობაზე.

ინტერპრესნიუსი, 21 აპრილი

ილია მეორე, კათალიკოს პატრიარქი: "თანამედროვე ჩვენი ყოფა უფრო დამძიმდა და დასნეულდა, რადგან მასობრივად ხდება წახალისება ცოდვის პროპაგანდისა. ბოროტის შემოტევის ასეთი ფართო მასშტაბები ადრე არ იყო... თანამედროვე ფსევდოლიბერალიზმს კი სურს, მოსპოს ცნება - ცოდვა... იერიში მიტანილი აქვთ ზნეობაზე, რაც დღეს უკვე გულისხმობს ბრძოლას არა მარტო რელიგიურ მცნებებთან, არამედ საყოველთაო, ზოგად ადამიანურ ღირებულებებთანაც. ფაქტობრივად, ისინი ცხოველებზე უფრო დაბალი ცხოვრების წესს სთავაზობენ საზოგადოებას და სრული სულიერი გადაგვარებისაკენ უბიძგებენ. "

<http://www.interpressnews.ge/ge/sazogadoeba/278602-ilia-meore-thanamedrove-fsevdoliberalizms-surs-mospos-cneba-codva.html?ar=A>

სამკულტურული 17 მაისი

კვირის პალიტრა, 21-27 აპრილი

უტა ბიჭაძე, ჟურნალისტი:

"შეიძლება რომ „ნაციონალებმა“ მაიდნის მიზამა მოინდომონ და მოკავშირეები არსებულ ხელისუფლებაშიც გაიჩინონ?"

სოსო ცინცაძე, პოლიტოლოგი:

"ჩვენი პრეზიდენტი უსაქმურია და პლეიზოს როლი აქვს მინიჭებული... აქციაზე მისვლა, მისი ხასიათის მიხედვით, ჩვეულებრივი მოვლენაა. არასრულფასოვნების კომპლექსის დასაფარად 17 მაისს დაგეგმილ

აღლუმზეც შეიძლება გამოჩნდეს და პოლიციასთან ერთად დაიცვას უმცირესობები."

ასამალ-დასამალი, 21-27 აპრილი

ზაზა ღაშითაია, ჟურნალისტი:

საქართველოს პრემიერ-მინისტრ ირაკლი ღარიბაშვილის მიერ ინიცირებული საკონსტიტუციო ცვლილებების მიუხედავად, ნაციონალური მოძრაობა და ლგბტ ორგანიზაციები თავისას არ იშლიან და მიმდინარე წლის 17 მაისს უზნეობის პროპაგანდას ახლებური მეთოდით აპირებენ, იმავდროულად, სხვა სამარცხვინო კანონის მიღებასაც გეგმავენ."

გენდერული სტერეოტიპები

რუსთავი 2, კოზიცი, 25 აპრილი

ნინო შუბლაძე, ჟურნალისტი: "მიუხედავად იმისა, რომ ქალბატონი ბრძანდებით [კვა ბესელია]... ბატონი ნუგზარისგან დავიწყებ, იმიტომ რომ თქვენი ლიდერი საუბრობდა".

http://www.myvideo.ge/?video_id=2320388

დაუნის სინდრომით დაავადებულთა დისკრიმინაცია

ასავალ-დასავალი, 21-27 აპრილი

სათაური: "მაიდაუნები"

გიორგი გიბაური, ჟურნალისტი: „ამ წერილის სათაური არანაირად არ

გულისხმობს დაუნის სინდრომის მქონე ადამიანების შეურაცხყოფას... მაიდაუნ არის ერთგვარი სინთეზი „მაიდისა“ და ინგლისური სიტყვისა „Daun“...“

რეაგირება

23 აპრილი

დასაწყისი გვ. 1

მოხსენიებას ჰქონდა ადგილი. კომენტარში აღნიშნული იყო, რომ სექსუალური უმცირესობების ეთნიკურ და რელიგიურ უმცირესობებთან გათანაბრება, მათი დასაქმების უფლების ჩათვლით, ეკლესიისთვის მიუღებელია, ხოლო კანონის ამ სახით მიღება მოქალაქეთა შორის დაპირისპირებას გამოიწვევს.

გადაცემის წამყვანი სასულიერო პირის განცხადებები - "ეს იქნება შეურაცხყოფა იმ სწავლებისა და ტრადიციისა, რომელიც აქვს ამ ეკლესიას და რომელიც აქვს ამ ერს და აუცილებლად ეს გამოიწვევს შეხლავთ შემოხლას ერში", "ამ ცოდვების გამო დაისაჯნენ ადამიანები - გოგირდის წვიმით და ცეცხლით" - ლგბტ პირების მიმართ სიმპათიის და შუღლის გაღვივებას უწყობს ხელს.

მაუწყებლობის შესახებ კანონის მე-16 (ა) მუხლი ავალდებულებს საზოგადოებრივ მაუწყებელს, "უზრუნველყოს პროგრამების სარედაქციო დამოუკიდებლობა, სამართლიანობა და მიუკერძოებლობა; სახელისუფლებო, პოლიტიკური, რელიგიური

და კომერციული გავლენისაგან თავისუფლება", რაც, ჩვენი აზრით, მოცემულ შემთხვევაში დარღვეული იყო.

დარღვეულია ასევე მაუწყებელთა ქვევის კოდექსის 31-ე მუხლი, რომელიც "მრავალფეროვნების, თანასწორობისა და შემწყნარებლობის" პრინციპებს განსაზღვრავს და 33 მუხლი "სახელმძღვანელო რეკომენდაციები მაუწყებლის მიერ მრავალფეროვნების, თანასწორობის და ტოლერანტობის პრინციპების დაცვის შესახებ". კერძოდ: "მაუწყებელმა თავი უნდა შეიკავოს ისეთი მასალის გამოქვეყნებისგან, რომელიც გააღვივებს სიმულვილს ან არატოლერანტობას რასის, ენის, სქესის, რელიგიური კუთვნილების, პოლიტიკური შეხედულებების, ეთნიკური, გეოგრაფიული ან სოციალური წარმოშობის საფუძველზე" (მუხლი 31); "მაუწყებელმა თავიდან უნდა აიცილოს რელიგიური, ეთნიკური, ან სხვა ნიშნის მიხედვით რომელიმე ჯგუფის შეურაცხყოფა, მათ შორის გარკვეული ლექსიკის ან გამოსახულების გამოყენება" (მუხლი 33.3).

არხის მიერ დარღვეულია საზოგადოებრივი მაუწყებლის ქვევის კოდექსიც, რომლის პრეამბულა შემდეგ პრინციპებს ეფუძნება: **საზოგადოებრივი ფასეულობები** - "პასუხისმგებლობით მოვეკიდოთ ისეთი საკითხების გაშუქებას, რომლებიც საზოგადოების გარკვეული ჯგუფებისთვის შეიძლება საზიანო ან შეურაცხმყოფელი იყოს"; **მრავალფეროვნება** - "სამართლიანად გავაშუქოთ ქვეყანაში მცხოვრებ უმცირესობებსა და საზოგადოებრივ ჯგუფებთან დაკავშირებული თემები"; **თანასწორობა** - "არ დავუშვათ ადამიანთა დისკრიმინაცია რელიგიური, ეთნიკური, რასობრივი, გენდერული თუ სექსუალური ორიენტაციის ნიშნით".

საზოგადოებრივი მაუწყებლის ქვევის კოდექსის მე-15 მუხლი ასევე მოიცავს დეტალურ რეგულაციებს უმცირესობათა სხვადასხვა ნიშნით დისკრიმინაციის დაუშვებლობის შესახებ, ასევე რეკომენდაციებს რელიგიური პროგრამებისა და სექსუალურ უმცირესობათა საკითხების გაშუ-

გაგრძელება გვ. 10

დასაწყისი გვ. 9

ქების თაობაზე, რაც მაუწყებლის მხრიდან მოცემულ შემთხვევაში დაცული არ ყოფილა.

მაუწყებლის მიერ სხვადასხვა ტიპის ღონისძიებებზე კომენტატორების მოწვევა აპრობირებული პრაქტიკაა, რა დროსაც კანონისა და ქვეყის კოდექსების მიზნებისთვის, სხვადასხვა თემატური ღონისძიებების წამყვანებზე "სავტორო პროგრამების გადაცემისას მაუწყებლისადმი წაყენებული მოთხოვნები" (მუხლი 17) ვრცელდება. მოცემულ შემთხვევაში, სახეზეა მაუწყებელთა ქვეყის კოდექსის მე-17 (2) მუხლის დარღვევაც, რომლის თანახმად, "სავტორო პროგრამის წამყვანმა არ უნდა გამოიყენოს საკუთარი მდგომარეობა საკუთარი მოსაზრების იმ ფორმით გავრცელებისათვის, რომელმაც შეიძლება ხელყოს პროგრამის მიუკერძოებლობა."

მივმართავთ საზოგადოებრივი მაუწყებლის თვითრეგულირების ორგანოს:

- განიხილოს აღნიშნული საჩივარი და იმსჯელოს ქვეყის კოდექსის ცალკეული მუხლების დარღვევის შემთხვევებზე.

რეკომენდაციით მივმართავთ საზოგადოებრივი მაუწყებლის ხელმძღვანელობას:

- მსგავსი ინციდენტების პრევენციის მიზნით, წინასწარ მოახდინოს მოწვეული კომენტატორების ინფორმირება ქვეყის

კოდექსით გათვალისწინებული დებულებების შესახებ და მხოლოდ ორმხრივი თანხმობის შემთხვევაში მიიღოს გადაწყვეტილება კონკრეტულ ავტორთან თანამშრომლობის თაობაზე;

- მიუხედავად იმისა, რომ ანტიდისკრიმინაციული ნორმები გათვალისწინებულია როგორც მაუწყებელთა, ასევე საზოგადოებრივი მაუწყებლის ქვეყის კოდექსებში, აღნიშნული შემთხვევის გათვალისწინებით, ვთვლით, რომ მიზანშეწონილია, საზოგადოებრივმა არხმა შეიმუშავოს დამატებითი დეტალური რეგულაციები, რაც პირდაპირ ეთერში მსგავსი რისკების თავიდან აცილების ეფექტურ მექანიზმებს შექმნის და ამ მხრივ გაიზიაროს დასავლური ქვეყნების, მათ შორის ბრიტანეთის საზოგადოებრივი მაუწყებლის (BBC), გამოცდილება პირდაპირი ეთერით გაშუქებისთვის დადგენილი სტანდარტების შესახებ, რაც პრაქტიკიდან გამომდინარე პერიოდულ განახლებას განიცდის.

მედიის განვითარების ფონდი, MDF
 ტოლერანტობისა და მრავალფეროვნების ინსტიტუტი, TDI
 იდენტობა
 ახალგაზრდა იურისტთა ასოციაცია, GYLA
 ადამიანის უფლებების სწავლებისა და მონიტორინგის ცენტრი, EMC
 ქალთა ინიციატივების მხარდამჭერი ჯგუფი
 ქალთა ფონდი საქართველოში
 საფარი
 კონსტიტუციის 42-ე მუხლი
 ნინო ბოლქვაძე

დისკუსია “მრავალფეროვნების სკოლაში”

26 აპრილს მრავალფეროვნების სკოლაში საქართველოს პარლამენტის წევრმა თამარ კორძაიამ წაიკითხა ლექცია "გამოხატვის თავისუფლება და მედიის როლი დემოკრატიულ საზოგადოებაში".



ლექციას მრავალფეროვნების სკოლის სტუდენტებთან ერთად ახალციხის ახალგაზრდული ჩართულობის ცენტრის წევრებიც ესწრებოდნენ. შეხვედრა დისკუსიის ფორმატში წარიმართა.

